

L'ALPÍN.

*Par l'Alpín, un vantagg l'è da nàss
a puus d'un dòss di nostar muntàgn
e üsmà l'aria püra già in di fàss
ca j'ha fài òmann, par süperà i magàgn.*

*Zàin in spalla, e sü cunt 'na gran foga
sura i scìmm, l'è cumè 'na magia,
i scarpuun in la néev stampan la fadìga
che la büfera a poch a poch scancèla via.*

*Soffia la turmènta ca la fà piegà i ginöcc
ma l'Alpín l'è lì, l'ha giürà fedelmènt;
avanti!... ul traguard l'è a vista d'öcc,
forza Alpín, la scima l'è lì arènt.*

*Paròll stampàa sül silabàri du l'Alpín:
rispètà la montagna cun amuur
e lée la ta sarà sempar visiìn
cunt tütt i sò fiuur e i sò culuur.*

*L'Alpín al dèsta sèmpar meraviglia
par i esigènz di nostar regiuun
d'ul Piemunt giò giò fina in Sicilia
l'è lì a dàtt 'n'aiüt par ul bèen dula naziuun.*

Carletto BOSSI